

MZIMU WONYENGEZERA



Kungomveketsa bwino: Mmaphunziro athu onse tikugwiritsa ntchito **YHVH** (**Yahuwah/Yahweh**) m'malo mwa **Mulungu (- Muchingerezi- God) Ambuye(-muchingerezi-Lord)**, omwe ndi maina aulemu osati dzina lenileni la Atate wathu wakumwamba ndipo tikugwiritsa ntchito **Yahusha** m'malo mwa **Yesu (muchingerezi- Jesus)**, limene lilibe tanthauzo koma ndi kumasulira kolakwika kuchokera ku Chigriki ndipo kwenikweni liribe tanthauzo, ngakhalenso **m'Chihebri**.

(chomwe ndi chilankhulo chimene Yahuwah Atate wathu wakumwamba analankhula ndi aneneri ake poyamba)

YHVH ndi **Yahusha** ndi mayina enieni achihebri omwe amalankhula za chikharidwe chenicheni cha Mpulumutsi wathu.

Kodi Mzimu Wonyengezera ndi chiyani?

Kodi mumadziwa kuti Mabaibulo athu asinthidwa dala kuti ahotse mayina enieni a Atate wathu wakumwamba ndi Mwana Wake nthawi zoposa 7000, n'kuikamo mayina aulemu monga Mulungu, Ambuy, Yehova ndi Yesu Khristu amene anachita dala kuti atipusitse.

1. Kodi kunyengezera kumatanthauza chiyani?

Kusiya chinthu chomwe mukufuna kapena kukhulupirira kuti musangalatse aliyense. *Kunyengezera* kungatanthauzenso kugwira chinthu chimene mumakonda kuchita ngakhale kuti mukudziwa kuti n'cholakwika pamaso pa Yahuwah. *Kunyengezera* kumatanthauzanso kusakhala ndi miyezo kapena zikhulupiliro, kuti zigwirizane ndi

unyinji. Zimafanana kwambiri ndi chisonkhezero cha anzawo.

2. Kodi Yahuwah angamvetse pamene mukuphwanya Malamulo Ake pofuna kusangalatsa achibale anu kapena anzanu kapena mpingo?

Ayi Yahuwah amadana ndi kunyengezera. Iye akuti Palibe angatumikire ambuye awiri, pakuti adzadana ndi mmodzi ndi kukonda winayo, kapena adzadzipereka kwa mmodzi ndi kunyoza winayo. Simungathe kutumikira Mulungu ndi ndalama. **Mateyu 6:24.**

3. Kodi Yahuwah akuti tiyenera kuchita chiyani kuti timukondedi?

Ndipo anadziyitanira khamu la anthu pamodzi ndi ophunzira ake, nati kwa iwo, Ngati munthu afuna kudza pambuyo panga, adzikane yekha, nanyamule mtanda wake, nanditsate Ine.

Marko 8:34. Izi zikutanthauza kukana kukondweretsa kwanu kwa zilakolako za thupi ndi zilakolako chifukwa cha kukonda Yahusha.

4. Chimachitika ndi chiyani ngati mumakonda dziko ndi njira za dziko kuposa Yahusha?

Anthu achigololo inu! Kodi simudziwa kuti ubwenzi ndi dziko ndi udani ndi Yahuwah?

Choncho, amene akufuna kukhala bwenzi la dziko amadzipanga kukhala mdani wa Yahuwah. **Yakobo 4:4.**

Tiyenera kumvera Yahuwah koposa anthu.” **Machitidwe 5:29.** Musadzinyenge nokha Yahuwah amadana ndi kunyengezera ndipo Iye sadzamvetsa. N’chimodzimodzi ndi kusakhulupirika m’banja ndiyeno n’kumayembekezera kuti mnzanuyo amvetse.

5. Kodi Danieli anagonjera ku chikakamizo cha anzake kuti akondweretse mfumu ya Babulo?

Koma Danieli anatsimikiza mtima kuti asadzidetse ndi chakudya cha mfumu, kapena ndi vinyo amene iye amamwa. Choncho, anapempha mkulu wa adindo kuti amulole kuti asadziipitse. **Danieli 1:8**

6. Kodi Yahuwah amayembekezera chiyani kwa anthu Ake okhulupirika?

Yahuwah amayembekezera kuti amene adzipereka kwa Iye ndi njira Zake kukhala osanyengezera (**1 Mafumu 18:21; Yohane 8:47; 10:27; Mateyu 6:24**). Mawu ake ndiye gwero lathu lalikulu la malangizo ndi ulamuliro (**Deuteronomo 4:2; Salmo 119:128; Chivumbulutso 22:18-19**). Kudzipereka kwathu kwa Yahuwah ndi njira zake sikusiya malo a kupatuka (**Yoswa 24:15; Salmo 119:10, 15**). Tisachite mantha kuulula uchimo ndi zoyipa. Kukhala chete n'chimodzimodzi ndi kukhala wolakwa. **Akolose 2:8** amalangiza kuti: “Onetsetsani kuti pasakhale wina wakulanda inu ngati chuma cha nzeru, ndi chinyengo chopanda pake, potsata miyambo ya anthu, potsata zoyamba za dziko lapansi, osati potsata Yahuwa

7. Kodi tingapange monyenga ndi zikhulupiriro zathu za m'Baibulo kuti tisunge umodzi ndi mtendere ndikuyang'ana kwambiri zomwe tili nazo?

Tiyenera kuteteza chikhulupiriro, kuwongolera amene amachitsutsa kapena osokonezeka. Chenjerani; khazikikani m'chikhulupiriro; limbikani mtima; khalani amphamvu. Chitani zonse mwachikondi. **1 Akorinto 16:13-14.** Kapolo wa Ambuye, sayenera ndewu, koma akhale wokoma mtima kwa onse, wokhoza kuphunzitsa, ndi woleza mtima ndi anthu ovuta. Langizani mofatsa anthu amene amatsutsa choonadi. Mwina Yahuwah adzawasintha iwom'mitima ya anthu, ndipo adzaphunzira chowonadi. **2 Timoteo 2:24-25.** Timaima olimba ndi osanyengezera m'chikhulupiriro (choonadi cha Torah) pamene tikudalira mphamvu ya Mzimu wokhalamo wa Yahuwah. Mwa Iyeyo inunso, mutamva mawu a chowonadi, Uthenga Wabwino wa chipulumutso chanu, ndi kumkhulupirira Iye, mudasindikizidwa chizindikiro ndi Mzimu Woyera wolonjezedwayo, amene ali chikole cha cholowa chatu, kufikira titachilandira, kuti chitamando cha Yahuwah chichitike ku ulemerero wake. **Aefeso 1:13-14;** Cifukwa cace, okondedwa anga, monga munamvera nthawi zonse, si pokhala ine ndiripo, komatu

makamaka tsopano pokhala ine palibe, gwirani ntchito ya chipulumutso chanu ndi mantha ndi kunthunthumira; pakuti Yahuwah ndi amene akugwira ntchito mwa inu kufuna ndi kuchita monga mwa chifuniro Chake chabwino. **Afilipi 2:12-13**

8. Kodi Yahusha anatiuza kuchita chiyani ngati timukonda?

Yahuwah wakatucenjezya kujatikizya mizeezo yakumuuya naa kutugwasya kuzumanana kusyomeka. Pa **Yohane 14:15**, Yahusha anauza ophunzira ake kuti: “Ngati mukonda Ine, mudzasunga malamulo anga, pakuti ichi ndi chikondi cha Yehova, kuti tisunge malamulo ake: ndipo malamulo ake sali olemetsa. ndi chikondi: kuti tiyende momvera malamulo ake, monga mudamva kuyambira pachiyambi, lamulo lake ndi lakuti muyende m’chikondi.”— 2 Yohane 1:6.

9. N’chifukwa chiyani kuli kofunika kukhala ozika mizu ndi okhazikika pakumvera Malemba tsiku ndi tsiku?

Njira za dziko la pansi ndi zosiyana ndi njira za Yahuwah. **(Aroma 8:6-9).**

Pali nkondo yokhazikika pakati pa wolamulira wa dziko lino ndi Wolamulira wamuyaya. Monga a Israyeli, tiyenera kuzindikira za nkondoyi ndikusankha mbali ya Yahuwah. palibe pakati, mukumvera Yahuwah kapena kumvera Satana. Ndi kumvera kwanu mukutumikira Yahuwah kapena mwa kusamvera kwanu mukutumikira Satana

10. Kodi mumapeza chiyani m'mipingo yachikhristu masiku ano?

Palibenso kulapa ndi kusiya machimo anu ndipo palibe amene amalankhula za kumvera Malamulo a Yahuwah. Zonse zokhudza chisomo ndi malembo opotozedwa kunena kuti sitieneranso kumvera Torah. Chinyengo chotero. Chilichonse chili chokhudza kulolera ngakhale kuti chili cholakwika pamaso pa Yahuwah. Sitingakhale ndi umodzi wabodza m'kusamvera Malemba.

2 Timoteyo 4:3-4 amati: “Idzafika nthawi imene anthu sadzalola chiphunzitso cholamitsa, koma pokhala ndi makutu oyabwa, adzadzipezera okha aphunzitsi kuti agwirizane

ndi zilakolako zawo, ndipo adzaleka kumvera choonadi ndi kusochera mu nthano." Ichi ndichifukwa chake mipingo ilibenso chitsitsimutso kapena kukula kwauzimu lero ndikuyang'ana mkhalidwe wa mpingo ndi dziko lapansi.

11. Zoonadi kunyengezera pang'ono sikungavulaze koma kudzasunga mtendere umene umasonkhanitsa anthu kuti azilambira?

Zoipa siziwononga zonse mwakamodzi. Ndi kulolera kwapang'onopang'ono, kwadongosolo kwa makhalidwe kumene kumatsogolera kuchiwonongeko. Mu AD 321 Constantine adapanga Lamulo loyamba la Sande m'mbiri ya dziko kulimbikitsa otsatira a Mesiya kulemekeza tsiku la Sande m'malo mwa Loweruka lomwe ndi Sabata la m'Baibulo. Pambuyo pa chizunzo chochuluka cha pa anthu Okhulupirira Otsatira Baibulu amene sanalole kusiya chikhulupiriro chawo, ndi chisonkhezere cha kusakaniza machitachita achikunja ndi choonadi china cha m'Malemba, Akristu ambiri lerolino amaganiza kuti n'cha ulemu kuswa limodzi la Malamulo a Yahuwah.

Chiwonongeko chimabwera ndi kunyengezera ngakhale kwapang'ono kokha kamodzi.

12. Kodi Loti analipira mtengo wanji chifukwa cha kunyengezera pang'ono?

Loti anakonda mzinda woipa wa Sodomu chifukwa unali wachonde komanso malo abwino ochitira malonda. Loti anakadziwa bwino mmene Sodomu anali woipa koma ankaganiza kuti sungasokoneze moyo wake kapena moyo wa banja lake. Pamapeto pake, adzapereka mtengo wowopsa ndi wosweka mtima pa zosankha zake. Pokhala pakati pa anthu oipa, banja lake, makamaka mkazi wake anayamba kusangalala ndi zinthu zakuthupi za mzindawo ndi njira zoipa za chikhalidwe cha kumeneko. Loti anaona kunyonyotsoka kofulumira kwa mfundo za m'Baibulo monga mfundo yosapeŵeka ya moyo. Mkazi wake anakonda Sodomu. Mkazi wake “pocheuka m'mbuyo” kuyang'ana Sodomu, pamene amkapulumutsa moyo wawo zikuonetsa kuti amkafuna kutsalira mu mzinda woipawu ndipo sanaope

kapena kumvera Yahuwah. Anasangalala kale ndi zosangalatsa zonse za mzinda woipa umenewu. N'chifukwa chake Yahuwah anamusandutsa iye mwala wa mchere.

Ana aakazi a Loti anatomeredwa kukwatiwa ndi amuna aŵiri a mzindawo, Mungakhale otsimikiza kuti iwonso anali anthu oipa, kusuntha kumene kukanathera pa mkazi wake pa kulera ana oopa Yehova. Pamene amuna aŵiriwo anapita kwa Loti kukachenjeza Loti kuti atuluke mu Sodomu, Loti anali wokonzeka kuteteza amuna'wa ndi kupereka mwana wake wamkazi kwa amuna oipa a Sodomu'wa. Loti anatalikirana bwanji ndi Yahuwah. M'malo moteteza ana ake aakazi ndi kuwaphunzitsa kukonda ndi kulemekeza Yahuwah, iye sanateteze ana ake aakazi kwa anthu opotoka oipa, monga momwe anayenera kuchitira. Kodi Loti akanachita bwanji zimenezi podziwa kuti anthu a ku Sodomuwo anali oipa? Palibe aliyense mu Sodomu amene anamvera machenjezo a Loti, kuphatikizapo amuna aŵiri amene anatsala pang'ono kukhala apongozi ake. Ana aakaziwo anafunikira kusankha kuthaŵa mu Sodomu kapena kutaya miyoyo

yawo, kusiya amuna awo am'tsogolo. Loti ndi ana ake aakazi okha anathaŵa, ndipo chikhalidwe cha Satana chimene anachisiya chinatheratu. Ana aakazi a Loti anachita mantha poganiza kuti sadzakhala ndi ana, choncho analedzeretsa bambo awo n'kugona nawo. Loti sanaphunzitse ana ake aakazi kuopa wa Yahuwah kumumvera Yahuwah kapena kumudalira. Iwo analibe lingaliro lakuti Yahuwah adzawasamalira, ngati iwo akanangolemekeza ndi kumvera Yahuwah ndi kumuika Iye patsogolo m'moyo wawo. Iwo sanalole ngakhale kudikira miyezi ingapo kuti aone zimene Yahuwah angachite! Zoipa zonsezi ndi matsoka onsewa akanapeŵeka zikanakhala kuti Loti sanasiye chikhulupiriro chake. Tili ndi zitsanzo zambiri za matsoka amene anachitika m'Malemba chifukwa cha kunyengezera.

13. Kodi Eliya anawauza kuti achite chiyani anthu amene ankasakaniza kulambira koona kwa Yahuwah ndi kulambira Baala/Ambuye?

Sankhani lero amene mudzamtumikira. Kodi mudzagwedezeka mpaka liti pakati pa

malingaliro awiri osiyana? Ngati Yahuwah ndi Elohim, mumtsate Iye; koma ngati Baala/Mbuye, mumtsate iyeyo. Ndipo anthu sanamyankha mau. Kodi musankha Yahuwah kapena Baala/Mbuye?

14. Kodi tingapachike bwanji thupi kuti timvere Yahuwah mokwanira?

Chifukwa chake phani zapadziko mwa inu: dama, chidetso, chilakolako, chilakolako choipa, ndi chisiriro, ndiko kupembedza mafano. **Akolose 3:5** Uzikonda Yahuwah Elohimu wako ndi mtima wako wonse, ndi moyo wako wonse, ndi mphamvu zako zonse, ndi nzeru zako zonse, ndi mnzako monga udzikonda iwe mwini. **Luka 10:27.**

15. Kodi chimachitika ndi chiyani mukapitiriza kuchimwa dala ngakhale mukudziwa kuti zimene mukuchitazo nzolakwika?

Pakuti ngati tichimwa dala, titalandira chidziwitso cha choonadi, siitsalanso nsembe yochotsera machimo. **Ahebri 10:26.**

Choncho amene akudziwa zoyenera kuchita ndi kulephera kuzichita, kwa iye ndi tchimo.

Yakobo 4:17 .

16. N’chifukwa chiyani Aisrayeli anachotsedwa ndi Yahuwah m’Dziko Lolonjezedwa?

Pambuyo pa machenjezo ambiri ochokera kwa Yahuwah ndi aneneri ake kuti auze Aisrayeli kuti asatsatire miyambo ndi njira zachikunja kulambila kwa mitundu ina, Israyeli mobwerezabwereza sanamvere Yahuwah, kunyengezera kwa kamodzi panthaŵi imodzi mpaka Yahuwah anakwiya kwambiri moti anawapereka a Israyeli kukhala akapolo a Igupto ndi aBabulo chifukwa chakuti anakana kumvera Torah Yake.

17. N’chifukwa chiyani Adamu ndi Hava anathamangitsidwa m’munda wa Edeni?

Chifukwa chakuti Hava ananyengezedwa ndipo anachititsa Adamu kunyengezedwanso mwa kungosamvera zimene Yahuwah anawauza kuti asachite. Pamene tchimo la Hava linali kusamvera kwathunthu kugonjera ku mayesero ake. Adamu ananyengezedwanso

pamene anasankha pakati pa kutumikira Yahuwah ndi mkazi amene ankamukonda choncho anadzipereka (kunyengetera) ku zimene ankadziwa kuti zinali zolakwika chifukwa cha kukhutiritsa thupi. N'zomvetsa chisoni kuti Adamu ankasamalira kwambiri mkazi wake kuposa Yahuwah. Yang'anani dziko lero! Kodi mukuona kuti kulolerana pang'ono kulidi koopsa?

18. Kodi Rubeni ananyengezera bwanji Yosefe m'bale wake?

Genesis 37 akutiiza za Yosefe kudedwa ndi abale ake chifukwa cha kukondera kwa Yakobo komanso maloto a Yosefe oti akhale wamkulu (**Genesis 37:1-11**). Tsiku lina Yosefe atatumizidwa kuti akaone mmene abale ake analili, abale ake amene ankamuda anafuna kumupha Rubeni anamva ndipo anapulumutsa moyo wa Yosefe akuwachenjeza kuti asamuphe. “Mponyeni m'dzenje ili” m'malo mwake. Rubeni anaganiza zobwereranso kudzatenga Yosefe n'kumubwezera kwa bambo ake koma maganizo ake analephera. Abale ena a Yosefe anaganiza zomugulitsa ku gulu la Aismayeli. Rubeni atabwerera, Yosefe anachoka

ndipo akulira. Kodi n'chiyani chinachititsa kuti Rubeni anyengezere?

Iye anali wofunitsitsa kukhazikika pa zinthu zochepa kuposa zoyenera. Iye akanayenera kuwadzudzula ngakhale pang'ono zimene ankaganiza ndipo nthawi yomweyo anabweza Yosefe kwa bambo ake. M'malo mwake, analingalira mumtima mwake kulola kanthu kena kosavulaza kwenikweni ndi cholinga chowongolera pambuyo pake. Mu kulolerana kwake tikupeza Reuben ankafuna kupewa mikangano ndi ubale wabanja (mbali zonse). Vuto ndi pamene anabwerera kukamutenga Yosefe zinthu zinali zitamudera tsopano. Iye sakanakhoza kuchita kanthu pa izo. Masiku ano, ambiri amafuna kulolera TSOPANO ndi cholinga chokonza pambuyo pake koma zachisoni kulolerana nthawi zonse kumabweretsa mavuto akulu komanso zonong'oneza bondo.

19. Kodi Farao anagwirizana bwanji ndi Mose?

Eksodo 8-10 Mose analankhula ndi Farao kuti amasule anthu a Yahuwa

Poyamba, Farao anakana kotheratu koma pamene miliri inayamba kugwira ntchito yake, anaitana Mose maulendo atatu ndi kumulonjeza kuti: Kunyengezera koyamba-mliri wa chinayi (4) wa ntchentche, Farao anauza Mose kuti apite kukapereka nsembe kwa Yahuwah m'dzikolo. Mose anakana chifukwa kulambira kwawo kukanakhala konyansa kwa anthuwo (a Israyeli). Mose analamula kuti ayende ulendo wa masiku atatu. **Eksodo 8:25-27**

Kunyengezera kwachiwiri - Farao adati awamasula, koma asapite patali. **Eksodo 8:28-29**

Kunyengezera kwachitatu - Farao adati kwa Mose "Tenga amuna ako." Lingaliro liri lakuti asiye katundu wawo ndi mabanja awo. Mose anati AYI, tonse tipita limodzi. **Eksodo 10:8-9.**

Kugonja kwa Farao kunalidi kupeza chuma ndi kufuna kupeŵa mikangano. Anthu ambiri masiku ano, mofanana ndi Farao, amaona munthu amene amakana kutengeka ndi

choonadi n'kulolera kulolera. Ambiri alibe vuto ndi inu Olambira Yahuwah pamene mukugwiritsa ntchito kunyengezera kwa munthu. Ena amakulolani kutumikira Yahuwah pang'ono pokha. Bwana amati, "Ndikukulolani kuti mudzipita Loweruka la nambala 2 lililonse, koma ndi momwemo." Anthu ambiri a Yahuwah amaopa kukhala m'chikhulupiriro ndikukana kugwira ntchito tsiku la Sabata. Iwo amanyengezera ndipo amaganiza kuti Yahuwah adzamvetsa.

20. Kodi Mfumu Solomo inanyengezera bwanji chikhulupiriro?

Solomo anasiya chikhulupiriro c hake. Yahuwah anampatsa Solomo nzeru zazikulu koma kukonda kwake akazi achilendo kunam'pangitsa kusiya chikhulupiriro chake ndipo anayamba kutumikira milungu yachilendo ndi kumanga misanje. Ambiri lerolino, mofanana ndi Solomo chifukwa cha kukonda kwawo chikhutiro cha kugonana ndi chuma chapa dzikolino, adzalolera kunyengezera chimene akudziwa kuti ndicho chowonadi kaamba ka chikhutiro cha kanthawi chimene chidzatsogolera kuchiwonongeko chamuyaya.

Sitingapembedze Yahuwah malinga ndi zofuna zathu.

21. Kodi Mfumu Yerobiamu inanyengerera bwanji chikhulupiriro chake mwa Yahuwah?

Atalandira Ufumu wa Kumpoto, Yerobiamu anachita mantha kuti anthu ake akapita ku Yerusalemu kukalambira Yahuwah ankaopa kuti sadzabwerera. Kotero ananyengezera chikhulupiriro mwa Yahuwah, anapanga fano la mwana wa ng'ombe m'mizinda ya Dani ndi Beteli ndikuwauza anthu kuti ku Yerusalemu kwatalika kuti iwo adzipita kukulambira Yahuwah. M'malo mwake tsopano iwo adzilambira mafano agolide a ana ang'ombe amene iye anawaimika polemekeza Yahuwah. Kunyengezera kwangati komweku n'kumene Aroni analola, Mose atachoka kwa masiku 40 usana ndi usiku. M'malo moima molimba n'kuuza anthu kuti adikire Mose kuti abwere, Aroni anawathandiza kuPanga mwana wa ng'ombe wa golide n'kunena kuti n'kulemekeza Yahuwah. Kulambira mafano kunakhala tchimo la Israyeli kufikira pamene anatengedwera ku Igupto, ndi ku Babulo, ndi ku undende wa Asuri pamene iwo

mobwerezabwereza analolera kusiya chikhulupiriro chawo kaamba ka kulambira mafano ndi kuphunzira njira za amitundu.

22. Kodi anthu ambiri masiku ano akufuna chiyani chomwe sichimkondweretsa Yahuwah?

Anthu ambiri masiku ano amafuna chipembedzo chosavuta ndipo amalolera kusiya choonadi kuti achite zimenezo. Monga Yerobiamu, iwo adzatenga MAWU a choonadi, koma ndi odzazidwa ndi ziphunzitso ndi miyambo yopangidwa ndi anthu. Ndipo ochuluka kwambiri, m'malo mofufuza ndi kutsimikizira kuti zimene ali nazozo ndi zoonadi (kaya ulesi, mphwayi kapena zokondweretsa za ku thupi), adzatsatira kunyengezera kumeneku

23. Kodi Mneneri Nehemiya anaitanidwa bwanji kukunyengereredwa?

Nehemiya analimbikitsa Aisiraeli kuti amangenso mpanda wa Yerusalemu. Koma panali adani amene anayesa chilichonse kukana ndi kuimitsa ntchitoyo. **Nehemiya 6:2** amafotokoza awiri mwa adani amenewa (Sanibalati ndi Gesemu) amene anatumiza

kukakumana ndi Nehemiya. Uthengawo unali wofuna kupeza kugwirizana. Kunena zowona chimenecho chinali nyambo chabe chifukwa chomwe iwo amafuna kwenikweni chinali kumuchotsa. Koma Nehemiya anakana kunena kuti anali kugwira ntchito yabwino ndipo analingalira chifukwa chake ndi chiani kuti ndisiye ntchitoyi ndikutsikira kwa iwo. Iye sanalole chilichonse kumulepheretsa kukwaniritsa ntchito imene ankadziwa kuti Yahuwah akufuna kuti achite. Ngakhale pambuyo pake m'mutu uno, pali kuyesayesa kwinanso kuti amulepheretse kugwira ntchito mwa kumukokera m'kachisi ndi kutali ndi antchito anzake amene ankamufuna. Nehemiya nayenso sanachite (sanalore) zimenezo.

24. Kodi ndi mayesero otani amene anthu ambiri amavomereza akamanyoza choonadi cha m'Malemba?

Kukonda ndalama zopezedwa mwa chinyengo kapena chiphuphu ndi muzu wa zoipa zonse. Kaŵirikaŵiri phindu la kuthupi ndi la ndalama ndi limene mdani angakupatseni kuti mukhoze kunyodola (ku chita monyenga ndi)

chikhulupiriro chanu. Anthu ambiri amadana ndi mikangano kapena kuimirira pa zomwe amakhulupirira poopa kunyozedwa kapena kuchotsedwa ntchito.

25. Mungapewe bwanji kunyengezera?

Ikani Yahuwah patsogolo m'moyo wanu m'zinthu zonse ndi kudalira Iye kuti adzakupatsani zosoŵa zanu zonse chifukwa mukukhalabe omvera ndi okhulupirika kwa Iye. Osachita manyazi ndi zomwe mumakhulupirira ndipo zimveketseni ngakhale pamene mwalembedwa ntchito ya tsopano, kuti mukulora kugwira ntchito masiku ena asanu ndi limodzi pa sabata koma simungathe kugwira ntchito Loweruka (la Sabata). Ngati bwana sakukondwera nazo ndiye pezani ntchito ina. Osanyengerera. Mukanyengerera ndi tchimo. Pezani nthawi tsiku lililonse yosinkhasinkha, kupemphera ndi kuphunzira Malemba kuti mukhale ndi moyo wachikhulupiriro mwa kumvera osanyengerera.

26. Chimachitika ndi chiyani pamene bwana wanu kapena wachibale wanu akukukakamizani kuti mugonjere zofuna zawo pa tsiku la Sabata ndi masiku ena ama phwando a Yahuwah?

Khalani ngati Paulo, khalani olimba m'chikhulupiriro chanu. Osadziimba mlandu. Paulo sanagonjere abale onyenga ngakhale kwa ola limodzi. “Ndikudandaulirani kuti mulimbane molimba mtima chifukwa cha chikhulupiriro chopatsidwa kamodzi kokha kwa oyera mtima. Pakuti anthu ena alowa mwa inu osawazindikira, anthu osapembedza, amene adasankhidwa kale kuti atsutsidwe. Iwo asandutsa chisomo cha Elohim wathu kukhala chilolezo cha chigololo (zosamvera malamulo), ndipo amakana Yahusha Mesiya (mpulumutsi) wathu. Mukamva abusa ndi alaliki akuphunzitsa ziphunzitso zabodza zosagwirizana ndi Baibulo, imani mwamphamvu ndi kuulula ziphunzitso zawo zabodza. Ngati tikhala chete, timangokhala olakwa ngati tikugwirizana ndi zimene akulalikira.

27. Kodi Satana analimbikitsa bwanji Yahusha kuti aphwanye chikhulupiriro chake?

Satana adayesa kumuyesa Yahusha pamene Iye adayamba utumiki Wake. **Mateyu 4:1-11** – mayesero atatu. Kunyengerera koyamba - Satana akupereka kwa Yahusha maufumu adziko lapansi (omwe anali Ake kale) ngati Iye adzagwa pansu ndi kumulambira. Yahusha mwachionekere anakana ndipo anagwira mawu pa **Deuteronomo 6:13** kuti, “Usakhale ndi milungu ina koma Ine ndekha. Kunyengerera kwa chiwiri – Satana anayesa kumuyesa Yahusha pothandiza Yahusha mwakuthupi ndi kupewa kulimbana ndi Satana (ngakhale kuti zikanabweretsa kulimbana ndi Atate). Njira yabwino yoletsera kusagwirizana ndi kutchula Malemba monga momwe Yahusha adachitira pamene adanena katatu kuti kwalembedwa, Munthu sadzakhala ndi moyo ndi mkate wokha, koma ndi mawu onse otuluka mkamwa mwa Yahuwah. Kwa lembedwa kuti Yahuwah Elohim wako ndi kumtumikra Iye. Pita kumbuyo kwanga, Satana. Ndi angati lero amene atatha kuonetsedwa ndikulonjezedwa

zolandira (mphatso) zosati n’kuzikana, angaonetsere maimidwe awo pa Yahuwah? Ngati tisunga yankho la Yahusha m’maganizo mwathu mosalekeza, likhoza kutilepheretsa ngakhale kulingalira kunyengezera ndi choonadi.

28. Kodi Petro ananyengezera bwanji chikhulupiriro chake?

Agalatiya 2:11-13—Paulo ayenera kudzudzula Petro chifukwa “anali wolakwa”. Tchimo la Petro pa chochitika ichi linali chinyengo. Iye ankadya limodzi ndi anthu a mitundu ina mpaka abale ake achiyuda atabwera pa nthawiyo, iye ankawapewa abale ake a mitundu ina. Paulo anaulula mfuu wake ndipo ngakhale Baranaba anatengedwa ndi tchimo lake. Pamene Petro anakana abale ake amitundu, onse adakhazikika pa zomwe anali nazo ndipo adadzipereka ku zomwe adadziwa kuti zinali zolakwika kuti apeze zokondweresta (phindu). M’mchitidwe umenewu, Petro anapeza kanthu kena mwakuthupi (kutchuka, ndi zina zotero), izo zinachita ndi abale ake

(banja), ndipo mosavuta zikanaphatikizapo mantha (a Ayuda), chikhumbo cha kupeŵa mikangano (pambuyo pa zonse panali zokwanira kale pakati pa Ayuda) ndi kusowa chikhulupiriro mwa Yahuwah kuti amupulumutse ngati mavuto atabuka.

29. Kodi ndinu munthu yemweyo posatengera kuti muli pagulu la ndani?

Pali anthu ambiri amene amasintho khalidwe lawo malinga ndi mmene alili. Atha kuchita zinthu chifukwa cha gulu lina lake lowazungulira, koma akakhala ndi gulu lina, amachitanso mosiyana. Tiyeneranso kukumbukira kuti nthawi zambiri chikoka chanu chimafikiranso kwa ena ndipo iwonso amatsogozedwa ndi kulephera kwathu kuima molimba pa chimene chiri choyenera.

30. Kodi kunyengezera kwa msonkhano wa ku Pergamo kunali kotani kumene Yahuwah ankadana nako?

Chivumbulutso 2: 12-17 - Ku Pergamo kunali ena omwe anali ndi ziphunzitso zonyenga pakati pawo. Izi zinali ziphunzitso zokhudza makhalidwe abwino ndi kukhulupirika kwa Yahuwah. Iwo anachenjezedwa kuti alape. Kunyengezera kwawo kunawapatsa iwo phindu lakuthupi (chiwêrengero ndi chirichonse chimene chinali ndi ndalama) ndipo anapeŵa mikangano. Nkhani zamakhalidwe (ngati tilekerera chisembwere china, chidzafalikira kwa ena) ndi nkhani za chiphunzitso (cholinga choyenera cha ubatizo, kumvera Torah, kugwiritsa ntchito ndalama za Yahuwah, ndi zina zotero.

- chifukwa chakuti **izi zimasintha** dongosolo lonse la msonkhano wa Yahuwah). Izi zakhala gwero la mikangano yayikulu pakati pa abale m'zaka zingapo zapitazi. Pali ena amene amaphunzitsa kuti malinga ngati munthu ali woota mtima, mosasamala kanthu za zimene amaphunzitsa (m'madera operekedwa) akhoza kulandiridwa malinga ngati sakukhazikika pa mutuwo, kapena kuubweretsa pamsonkhano. Mabodza ake! (1 **Akorinto 5:6-7**) Chotupitsa pang'ono chitupitsa mtanda wonse.

31. Kodi kunali kunyengerera kotani pa msonkhano wa ku Tiyatira?

Chibvumbulutso 2:18-23- Msonkhano wa ku Tiyatira unalola chiphunzitso chonyenga kuphunzitsidwa. Kunyengerera kwawo kunali kofanana ndi kwa Pergamo - Kupindula mwa kuthupi ndi kupewa mikangano. Tikalola kuti chiphunzitso chonyenga chiphunzitsidwe popanda kuchivumbula mwamsanga, timakhala ndi mlandula chifukwa cha kulora mzimu wonyengezera zimene zidzachititsa kuti anthu onse kumeneko afooke mwauzimu. Yankho la vuto limeneli ndi kulapa nthawi isanathe. Mungathe kuchita zabwino zonse ndi ntchito zachifundo kwa Yahuwah koma ngati mukuphwanya Torah yake mwa kusamvera, zochita zanu sizikutanthauza kanthu kwa Yahuwah. Zili ngati mkazi wosakhulupirika yemwe kumapeto kwa sabata amakhala kutali ndi wokondedwa wawo koma amakuchitirani zabwino mkati mwa sabata kuti athetse chiwerewere chawo, mwachiwonekere izi sizingakhale zovomerezeka. Nchifukwa chiyani mukuganiza kuti Yahuwah angavomereze kunyengezera kwanu?

32. Chifukwa chiyani anthu ena amakhala chete osaulula ziphunzitso zabodza zosagwirizana ndi Baibulo?

Koma n'zomvetsa chisoni kuti anthu ambiri sakonda kuwerenga kapena kuphunzira Malemba kuti adziwe zimene malembawo amanena kotero kuti ateteze chikhulupiriro chawo. Amadalira wansembe kapena m'busa wawo kuti awauze zoyenera kuchita zomwe ndi zoopsa kwambiri. Zili ngati kuswa lamulo la dziko mosadziwa kuti ndi lamulo lomwe mwaswa, chilangocho chidzaperekedwabe kwa inu chifukwa umbuli sikuli chowiringula lero. Sityenera kukhala osasamala pa chikhulupiriro chathu, koma tikhale odzipereka ku njira za Yahuwah.

(Deuteronomo 17:11; Miyambo 24:7; Chivumbulutso 3:15-16). Timachita zimenezi mwa kukulitsa ubale wathu ndi Iye mokangalika, kuphunzira choonadi Chake, ndi kudalira mphamvu zake kuti zitithandize kuyenda mosanyengerera.

33. Kodi mdani wathu wamkulu ndi uti amene amatipangitsa ife kunyozera malembo?

Kukonda zinthu zathupi ndi kukondweretsa anthu mmalo mokondweretsa Yahuwah. Tchimo ndi mdani amene alipo nthawi zonse woti azidedwa ndi kupewêdwa zivute zitani. Kunyengezera Mawu a Yahuwah kumabweretsa zotsatira zoopsa. Yahuwah akutilamula kuti tipewe zopinga zonse za m'dzikoli ndi kum'tsatira.

34. Kodi buku la Oweruza likutiphunzitsa chiyani za kulolerana?

Pamene tikutembenukira ku Oweruza, tikulowa m'buku lofotokoza mbiri ya Baibulo ya zaka mazana anayi.

M'buku la Oweruza, timakumana ndi oweruza 12, tikuwona zochitika 7 zomvetsa chisoni zomwe Israeli adachimwanazo, adatumikira, adapembedzera ndi kupulumutsidwa ndi zowonjezera ziwiri zomwe zikuwonetsa kuopsa kwa kugonja.

35. Chimachitika ndi chiyani mukamayenda mu chikhulupiriro chomvera Yahuwah?

KUYENDA MCHIKHULUPIRIRO CHOMVERA KUMABWERETSA ZOKONDWERA **Oweruza 1:1-18** Moyo wa madalitso, chigonjetso ndi chipambano umaperekedwa ndi Yahuwah ndikutengedwa ndi iwo.

KUSIYA KUMVERA YAHUWAH KUMABWERETSA TSOKA **[1:19-16:31]** Moyo wakugonja ndi ukapolo. Tingawafunse kuti anasiya bwanji kumvera Yahuwah ndipo n'chifukwa chiyani? Kodi tingaphunzire chiyani pa zimene anachita?

36. Kodi chinachitika nchiyani pamene Israyeli analekerera adani awo ndipo sanawawononge monga momwe Yahuwah adawauzira?

AISRAELI ANAL ORERA adani a Yahuwah ndipo sanawathamangitse! **1:19, 21, 27)** Anasiya Akanani otsala akukhala pakati pawo.

Pang'ono ndi pang'ono chisonkhezere cha uchimo chinafalikira m'miyoyo yawo. N'chimodzimodzinso ndi ife lerolino, takhala tikulekerera uchimo ndi zoipa mwachitsanzo timalekerera kuchotsa mimba, kugonana kwa amuna kapena akazi okhaokha, magulu achipembedzo osiyanasiyana, kulekerera maholide achikunja ndi nyimbo zadziko, kavalidwe, chinenero, mapulogalamu a pa TV osayenera tangotchula zitsanzo zochepe chabe.

37. Kodi chinachitika nchiyani kwa Israyeli pamene iwo anapitirizabe kusamvera Yahuwah?

Alsiraeli anayenda mwa kusamvera Yahuwah. Kuyambira pa **Oweruza 2:11** Ndipo ana a Israyeli anachita zoipa pamaso pa Yahuwah, natumikira Abaala, nachimwa; iwo analirira kwa Yahuwah ndipo Iye anawapulumutsa. Kachitidwe aka kamapitilira nthawi zina kasanu ndi kamodzi. Ukapolo uliwonse umakhala waukali komanso wankhanza pa iwo. Ndipo anasiya Yahuwah, natumikira Baala ndi Asitaroti. Ndipo mkwiyo wa Yahuwah unayaka pa Israyeli. Choncho anawapereka m'manja mwa ofunkha amene ankawafunkha.

Ndipo anawagulitsa m'dzanja la adani ao owazungulira, ndipo sanathenso kuima pamaso pa adani ao. Kuli konse anaturuka, dzanja la Yahuwah linawakhalira coipa, monga Yahuwah adanena, ndi monga Yahuwah adawalumbirira. Ndipo adakhumudwa kwambiri. **Oweruza 2:13-15.**

38. Chinachitika ndi chiyani kwa Israeli pamene adanyalanyaza Torah ya Yahuwah?

ISRAELI ananyalanyaza kutsata Torah ya Yahuwah. **Oweruza 2:10.** Iwo anaswa Malamulo, malemba ndi maweruzo ake. Iwo ananyalanyaza ubale waumwini ndi Yahuwah mwa kusinkhasinkha pa Torah ndi pemphero. Kodi mumapatula nthawi tsiku lililonse kuwerenga Malemba, kupemphera, kuphunzira, kuloweza Malemba ndi kutumikira Yahuwah? Kapena mumadzikhululukira kuti mulibe nthawi yokwanira?

39. chinachitika nchiyani pamene Israeli anakwatira osakhulupirira achikunja?

Israeli anasakanikirana mwa kukwatirana ndi achikunja **Oweruza 3:6**. Iwo anagawana moyo ndi iwo amene anakana Tate wawo wakumwamba ndi kuphunzira njira zawo zoipa. Masiku ano zikuchitika nthawi zonse, m'banja mmodzi ndi wokhulupirira ndipo winayo ayi. Izi zimabweretsa kunyengezera ndi kudzipha kwa uzimu pakusamvera Yahuwah chifukwa cha kunyengezera. Komanso m'dziko lathu lerolino, kuvina koyitanira kugonana, kupita ku malo osangalalira, maphwando achiwawa, kuonera mafilimu oipa, masewera, kunyengezera maubwenzi ndi kusokoneza maubwezi, zovala zosayenera komanso kuli njala yakusowa anthu odzipatula. N'zomvetsa chisoni kuti Yahuwah sapezeka paliponse.

40. Kodi Israeli anamusiya bwanji Yahuwah?

Alsiraeli a kudzipatula kwa Yahuwah potsatira milungu ina. **[3:7]**. Machitidwe amenewa wotengedwa ndi Israeli a madziwika kuti syncretism, kuphatikiza zipembedzo zosiyanasiyana, chowonadi ndi zolakwika. Mafano a chikunja ndi ziwanda zotumiza mzimu wonyengezera kukukokerani kutali ndi

Yahuwah. **LEVITIKO 17:7** Ndipo asaperekenso nsembe zawo kwa ziwanda, zimene azichita nazo chigololo. Limeneli likhale lemba losatha kwa iwo mwa mibadwo yawo.

Deuteronomo 32:17 Anapereka nsembe kwa ziwanda, osati kwa Yahuwah; kwa milungu imene sanaidziwa, kwa milungu yatsopano, imene inangotuluka kumene, Imene makolo anu sanaiopa.

1 Akorinto 10:20 Koma ndinena kuti zinthu zimene amitundu apereka nsembe azipereka kwa ziwanda, osati kwa Yahuwah; ndipo sindifuna kuti inu muyanjane ndi ziwanda. Mukamachita nawo misonkhano ya tchalitchi cha Lamlungu, Khristimasi, Isitala ndi maholide ena achikunja mumapembedza ziwanda. Sitingathe kunyengerera ndi ma utumiki wophatikiza zipembedzo, kuphatikizapo chikhristu chonse chomwe chili chofunda komanso chonyengezera, pomwe chiphunzitso chimachepetsedwa kapena kusiyidwa kotero kuti palibe amene angakhumudwe. Ngati mukondadi Yahuwah kumvera Malemba kwanu kudzakhala chipatso chanu.

41. N'chifukwa chiyani Yahuwah akukuuzani kuti musaumitse mtima wanu?

Israyeli anaumitsa mitima yawo ndipo sanamvenso liwu la Mzimu wa Yahuwah chifukwa cha kusamvera kwawo mobwerezabwereza. Iwo anakhala ndi moyo nthawi yaitali ndi maganizo odetsedwa uchimo sunawapwetekenso **Oweruza 17:6**. Timaona zimenezi pakukula kwa kusamvera kwa uchimo m'mipingo yathu yachikristu.

Anachoka kwa Mfumu ndi

Wolamulirawawoweniweni, Tate! **Oweruza**

21:25. Ukachita chinthu chodzikhondweretsa wekha m'maso mwako sukondweretsa

Yahuwah ndipo suyenda mu pangano lake ndi Iye.

KUKHALA MUKUSAMVERA

KUDZABWERETSA CHISONI **Oweruza 17-21**.

Kupitirizabe kuchita zinthu zopanda uzimu kumabweretsa moyo wa chiwonongeko, wonyozeka, wodetsedwa, wamdima ndi wopanda chiyembekezo. Pali zithunzi ziwiri zowopsya za izi m'mitu yomaliza. Kupembedza mafano, onani **Oweruza 17-18** ndi Chiwerewere **Oweruza 19-21**.

NGATI TIKUFUNA KUYENDA NDI YAHUWAH
NDI MZIMU NDIPO M'CHOONADI
TIKUFUNIKIRA KUKHALA OPATULIDWA
PAKUMVERA TORA. Ngakhale kuti dziko
likudeni, kumvera kwanu ndi chikondi kwa
Yahuwah. Sitiyenera kuyanjana ndi iwo omwe
akukhalabe mu uchimo ndi kusamvera kuti
angatikokere muukonde. **2 Akolinto 6:16-18**
Ndipo chiphatikizo chanji kachisi wa Yahuwah
ndi mafano? Pakuti inu ndinu kachisi wa
Elohim wamoyo. Monga Yahuwah wanena kuti:
“Ndidzakhala mwa iwo ndikuyenda pakati
pawo. Ine ndidzakhala Yahuwah wawo, ndipo
iwo adzakhala anthu anga.” **17** “Choncho
tulukani pakati pawo, ndipo patukani,
akuteroYahweh. Musakhudze chinthu
chodetsedwa, ndipo ndidzakulandirani. **18** “Ine
ndidzakhala Atate wanu, ndipo inu
mudzakhala ana anga aamuna ndi aakazi”
wateroYahuwahWamphamvuyonse.

Torah ndi bukhu lathu la malangizo amomwe
tingakhalire ndi moyo wodalitsika.

*Atate wathu wa kumwamba akudalitseni ndi
moyo wathanzi komanso ndi nzeru za
chidziwitso!*

*Mukafuna kumva zambiri tipezeni pa ma webu
saiti awa: <https://malawioutreach.teachery.co/>*

kapena

Studythecalendar.com

Kapenanso

Imbani foni pa manambala awa:

0881 764 072

0999 856 135